

韓客巾行集

貞

素玩亭









韓客巾衍集卷之四

冽上 柳琴彈素 抄

李書九

字洛瑞号素玩亭京畿永平縣人貫全羅道完山府

甲戌生年今二十三著有薑山集

水標橋同白塔詩社諸人作絕句三首  
橋在琵琶洞口自雲

從橋至此為茅都人土遊集于此諸

樓雅落日迴翻空柳杪毵毵不遣風何似秦淮桃葉渡寒  
流一帶映秋空

朝陽紅似石榴明搖曳長堤一望平好是橋南空翠足蠶



頭山色佛頭青

日午橋頭水色鮮雪鵝花鴨取媽媽齊齊浴罷闌干下盡  
擇輕食一飽眠

春日雨中小集

幽人集小閣疎雨復侵尋花欲娟娟靜山尤漫漫雲州光  
明去鰈林翠膩樓禽向晚微風善冷然有好音

遊北漢山中

晚向諸天去溪流清且深時聞幾寺磬獸在數峯雲身作  
巡花使林啼念佛禽行行空翠裏迢遞更何心

柳惠風得恭西遊平壤後七日得其留書



把紙情安極。還疑攬蕙裾。春深人去後。花落夢飛初。子定遊何處。吾方展此書。傷心淚水碧。悵望將焉如。

睡餘偶成

萱花帶露香。重蕙葉翻風。綠輕何處蝶。暈忽忽。是時鶯語生生。

九日襄惠風在湖西公州牧

魂夢長飛錦水濱。重陽時節百愁新。一天寒雨連南國。兩地黃花憶故人。此日秋窮暹燕子。他鄉霜落怨鴻賓。別君以後添寥寂。獸掩松關倣隱淪。

崔墜井死戲作挽辭



寫來如許古雅

一夕清姿閔性靈幾年華表更留形丹陽真逸今千古浪打金焦瘞霍銘

身逐飄風與去塵水雲何處駐精神花遲竹冷彈琴後從此閒居少一人

雍陶詩莎苔滑地无塵竹冷花遲勝駐春客至美禁誰共聽與君魚霍是三人

### 尋友人東郊別業

入門高閣靜簾影映君斜細雨孤樽席繁陰數畝家平疇交麥穰深蕩隱荷花政喜幽期愜那愁返韻賒

### 彰義門外金氏園亭

朝衣新著賸偷閑簫鼓登臨地勢寬岸石泉通飛閣爽人家烟傍晚林寒蕭辰擺却傷心事勝界從他處意歡已恐



山移隨我到烏紗不合髻邊安

徐石臣杏花書屋圖

暖與花溪水熨羅春山幾斛費青螺  
卅堂小見盧鴻乙種樹能如郭橐駝

禱畫

豈穀船閒漾晚汀蓬頭漁子理新琴  
晴江四月河豚瘦柳絮紛飛半化萍

陳曉畫

夜雨知初霽遙天正渺茫暝烟迷浦碧  
霜樹出村黃人立秋山小牀暹晚水長  
江湖留宿計空羨捕魚郎

句：俱有妙意

似山谷老人



陸墜之遺

雅近蘊黃  
典而不俗

李元靈麟祥扇頭小景元靈完山人篆書為東國第一善刻印嗜古器有文

董遺風著有雷家觀集今未刊

喬木翳浦口曠莽空洲夕烟沉暮步平日落秋山碧乍見  
天光滅如聞灘聲逆霜隕蕙葭冷風高波浪積扁舟晚自  
泊半村紛相隔家具載篷底炊色生艫隙遙知抱槩人目  
極還鴻迹

鄭五叔子參存達要余以八分書其所製詩強把  
筆仍贈此索和

滿磨螺子李翁九鬣點烏絲蔡氏欄書末張軍韓阿買詩  
能名世鄭都官鼻端却有文心湧指上曾無酒氣盤石刻



光和不見何人更寫九經丹

偶讀唐人數家詩得絕句三首

元和詞客格還低  
曉楚春吳屬品題  
无限湘江烟雨裏  
至今應有鷓鴣啼

鄭谷

殘篇十二摠新聲  
陳李何人浪擅名  
終古論詩鍾伯敬  
儂

家獸許五言城

劉春虛

行吟屈子楚江皋  
杜若香離漫著騷  
哀怨當時猶不盡  
千

秋寄與柳儀曹

柳宗元

晚春同朴燕岩李楸官從笏仲牧曷九

客到孤亭莫景收  
斜陽顙澹雨初休  
微紅藥艸歲階足  
迥



白梨花表屋頭且把繁華鬪晚賞  
有將時序助芳愁祇憐  
甫甫春暉盡搏黍雙飛語已流

生香館初夏

松闌窈窕覆溪局時有棋聲爽晚聽  
細雨園丁挑菜去綠  
金亭午滿林停西鷓鴣黃鳥  
无常到小牡丹花太半零烏帽  
隱弗終晝靜清颺生處坐翻經

游清風溪仰襄金山源先生

佳句耐思  
谷窮多脩樹幽尋轉仄徑山雨晚自收  
林風涼未定寂歷  
亭含覆縈回磴籟亘攀援皆斷壁曲折復危磴  
襍花搖新  
馨邃壑生微靚松影淨堪藉鶯啼婉誰聽  
清遊縱可樂遐



想亦云併先生昔棲心後哲能致敬高蹤緬杖屨英靈宛  
歎警孤吟慰鬼雄匪徒悅幽性

襄堤川趙處士行龜

處士今年春自開天山中又徙堤川之公田湖  
年高力學著書滿室

夙計江湖也轉踈即今頻說畫移居夜燈身健猶教子春  
雨家貧未燒畬十五年曾素下憇三千卷復老來書紺岩  
山外空搔首峽水遙生長望餘

初秋有襄

單棲晚秉道讀書林館幽孤抱念日短重炎睠水流蕙綠

處士高風可想

學放翁而得  
其神



銷將暮蜚吟冷已秋親知罕溪契溪壑寄冥遊齋茲百端  
隱明發未能休

生來性持異力探載道輿埋身簡策中嗜近貪芋狙恭惟  
古哲人費心開玄緒千秋冥付余薄質敢自豫未到康成  
地誓不擡頭語

我友在南鄉殷念耿難釋闌干昔別處葉墜高梧夕雲暈  
暮天長鴈去秋江白湖山百里夢清境繞枕席思君欲何  
贈願為道自適

病後絕句

百事那堪惱病中食單多忌午盤空晴垣近映西隣棗梢



遣羣兒拾墜紅

鄭五叔至次韻柳惠風九日作

幽棲岑寂掩門重頗喜佳賓日夕逢  
晚圃可憐今夜雨虛林無恙舊時峯  
秋來筆硯蟲聲徹霜後衣冠菊氣濃  
已識休文移帶孔不須評泊病中容

久不作詩適見宋人六絕欣然試筆自晡至夕僅成二首

叢疎不穩鷄睡林脫還冝鳥旋小砌剛如夢裏斜陽更覺蕭然

月偃西園漢瓦風穿竹牖並刀葉聲自昨頻亂塔影從今



快高

李楫官歸自湖莊寄示其所著權極集書以還之

牛關東畔問詩過採得蟲魚草木多篋裡湖屬小俞雅猶

堪餒殺鄂州羅

滿袖烟霜撲馬行危橋十里怨長程詩人吊古多生色猶

賴中州舊揔兵楫官過素少橋有詩云竟史舊國城墟宛

幸師東援破倭寇於此地

黃葉蕭騷覆晚村夜來松火土檠昏居民偶說南中俗已

補朝鮮冽水言

夕後書字



詩情約畧景全微。帳裏無人急解圍。失次賓鴻經夕到。渝  
紅晚葉側風飛。秋船趁水輸新粟。夜屋生寒易舊衣。欲向  
蒲團成煖睡。憑渠酒力合雙扉。

冬日閒居禱絕

屋背新霜曉後滋。忍飢羣雀響寒枝。烘窗早旭生微燠。卧  
擁絢衾閑宋詩。

酒後繩床睡起遲。新泉催汲鬪茶時。斜暉透得雙鉤細。更  
搨寒窓禮器碑。

噤滲疎槐夕照忙。秋花曾覆井闌香。閒來小向階前立。避  
逅南枝見竊黃。



謝鄭子參寫贈新書一部兼寄短絕

展處白油眼欲昏連行細字訝蠅屯  
曾聞柳庫收三本快見王輿掃十番  
硯冷應愁晨露滴床高却喜晚風翻  
扁舟坐待春江穩真欲携還穎上村

雨中閒居

樹末春禽亂人家暮雨疎日沉微霽  
合風定小涼餘碧出通凭几閑窗帶  
著書淹旬猶卧病苔榻見生魚

望狎鷗亭

危亭隱約枕湖雲無限晴沙眺望紛  
洲水風帆橫岸去廣陵烟樹隔江分  
青山眼冷皇華使芳草魂銷上黨君  
萬疊



閒愁拋不盡。輕波縐得碧羅紋。為亭在漢陽城東。豈毛浦上。  
黨府院君韓明澮別墅。明翰林學士文節公倪謙奉詔東。  
來命其名。而仍為之記。亭名遂聞於中朝。太僕寺丞金湜。  
給事中陳嘉猷。張寧。武靖侯趙輔。定西侯蔣琬。太子少保。  
魚左都御史王鉞。兵部尚書項忠。兵部左侍郎滕昭。吏部。  
左侍郎劉斐。戶部郎中李炯。然兵部郎中于冕。兵部員外。  
郎張汝弼。翰林修撰羅璟。教諭鄔可立。進士秦昇。會稽陳。  
贊戶部郎中祈順等。皆賦詩以贈。其中張方洲祈戶部二。  
公又以行人先後東來。設讌亭上。至今傳為盛事。兵燹之。  
餘。屋已屢易。主風流文采。莫不可見矣。

樓頭坐晴

浦口明斜日。暹檣下廣津。遙從草閣雨。看煞舟中人。

寄仲牧

幽事寂歷夢相違。湖雨湖風苦未稀。春州方深人不見。江。



離初長我安通卧聞宿鳥啼間渚行看游魚上晚磯一葉  
蜻蛉半篙水從今添著綠蓑衣

步踰豈浦後麓至某氏園亭

拂衣訪名園細路蔭喬木湖光漬葛巾蒼涼散朝旭陂香  
映水紅崖花開石竹秀嶂已四圍清灣凡幾曲遙裏放浪  
士懸崖曾結屋反凶坐永晝渺莽江天碧樵唱落山家漁  
咏響溪曲洲人拏舟去一棹剪寒綠回望箭郊樹烟消見  
羣牧高矚既信美愁緒來相續江鄉轉蕭瑟少年悲落拓  
將携笠澤簑那忘阮生後遐心在邱壑妙觀通損益導渚  
誦卜居夷猶更安極願言思公子搔首芳草夕



佳句不多得

仲牧和余詩復次答之

林際飛庠抱白雲空洲雨歇夕陽紛青山影逐帆三轉翠  
柳含藏屋一分北渚如今愁楚客南天何處弔湘君傷心  
厭對晴江色賴有疎簾盪樹紋

餐綠亭雨後

東湖新漲數篙肥汀樹冥濛細雨飛點水丈人低赤弁含  
泥公子拂烏衣林塘舊宅空青嶂溫祚荒城半翠微向晚  
孤舟天際去澄江愁絕謝玄暉餐綠亭在豈毛浦其上又  
政林塘鄭公惟吉別墅廣  
州山城百濟溫祚王所都

江皋夕步



披襟來古渡，漁舍暝烟黃。  
林背飛初月，船頭帶晚涼。  
水禽喧夜響，岸芷馥風香。  
日暮佳人隔，相思在斷腸。

絕句

有時潑刺波魚戲，終日耒耜渚鷺忙。  
料得清閒誰似我，蓼花溪處立青莊。

湖上急雨有襄仲牧

帆頭水墨潑江天，欲雨山光大米顛。  
飲渚雄虹初解渴，卧堤疎柳不成眠。  
微茫極浦漁人迥，搖落蒼厓艸閣懸。  
無限烟波詩句裏，孤囊遙被叩君憐。

讀漁洋山人詩集



讀此詩可見東  
國人文之盛

南施北宋丐餘允絕妙新詞少鴈行直自開元天寶後風

流歎數輜川王阮亭嘗云康熙以來詩人無出南施北宋之右宣城施閏章愚山萊陽宋琬荔裳也

朝鮮使者解聲詩佳菊衰蘭數字疑不是元家新絕句祇

雁羣負小姑祠明崇禎末吾邦清舍金先生尚憲航海朝

延登尚書甚重之序刻其朝天錄一卷阮亭為尚書之

孫堦故又表章先生所著論詩絕句中一首云澹雲微雨

小姑祠菊垂蘭衰八月時記得朝鮮使臣語果然東國解

聲詩其首二句即先生過登州次越人吳晴川大斌詩而

本集作澹雲輕雨佳菊衰蘭畧有異同

俗子雌黃巧索瘢風裏蕭颯不成看中州勝事誰空羨愁

殺東隣李翰林官秋谷趙官贊執信欲詆阮亭詩東國人或

云勝事中州空艷羨堯峯文筆阮亭詩可見嗜之之深也



雨後晚眺

樓臺睂目映空灣。船尾漁罾柳影間。小李將軍金碧畫，儂家洗定夕陽山。

江亭寄襄

漁樵生活姓名沈。身是西湖處士林。籬角孤春天色晚，簾頭閑夢雨聲深。行人峭帆望煙樹，遊子登樓啼水禽。寄語吾家賢仲季，蘼葭時節許相尋。

小晴即事寄葛川故人

十里長橋埜艇橫。鴨頭新漲鏡中盈。搖風暮嶼紅花盡，帶雨芳洲蒼葉生。柳外畧師真魯望，雲端樵客是宣平。愁人



情事渾無賴，只有江山眼。暫明

夕景

殘靄歛汀舍，疊翠紛山郭。暈帆掛半照，天末櫓聲落。

曉起觀漲

篙子宿寒雨，夜聞篷底語。朝來兩岸樹，不見停舟處。

午餘同金士潤聲麗騁眺

雨氣連空翠，重巒遞晚安。亂雅翻墨點，飢鷺弭風絲。靄淩橋痕爰，潮暈棹影移。小闌村酒盡，高抱兩人知。

憶李炯菴

穩藉清譚秉燭遊，當時江左足名流。二宗同譜城南社，十



表聖嗣響  
五絕超妙  
省三可傳

載相隣漳北周我欲故人碑後記誰從負士傳中收江湖  
此日將還隱為爾仍添一釣舟林官與余俱為宗室之裔宗派各異甲申以後同居  
下塔

積雨快晴軒牖蕭然與仲牧聯被共卧夜深不寐  
幽人伴遙夜霽景接江廬遠戶清含散鳴林暮籟疎明河  
垂枕席涼月鑒圖書幾度思君處今宵夢暫舒

同金葛川夕訪流霞亭道上分韻得埜曠天低樹

五字

夕雨收空山涼颼散簟埜林僧晚歎還隔水見蘭若  
林樾既蕭條汀洲復莽曠行人趁莫潮樹末孤舟放



水字返字  
皆到古人

以下字：熟鍊

陂。黿。請。新。雨。林。凋。頌。晚。天。荒。原。赴。暝。色。艸。徑。鳴。飛。泉。  
西。崦。上。微。月。人。家。夕。翠。低。閒。徑。橋。北。去。葉。底。飛。莎。雞。  
虛。閣。寂。无。人。牆。面。皁。莢。樹。江。天。起。晚。愁。烟。際。片。帆。暮。

### 休夏

西園多古木。深夏見鶯黃。細果垂歌壁。幽花覆壞牆。雨聲  
收。晚。暑。山。色。返。斜。陽。借。問。閑。居。樂。何。如。谷。口。庄。  
久。雨。仍。成。濕。空。堦。長。屋。遊。竹。梢。來。燕。子。鵲。背。上。蝸。牛。席。靜。  
新。經。月。江。明。已。近。秋。生。涯。甘。獲。落。猶。作。醉。鄉。侯。

### 江夕

漁翁暈莫雨。蟹舍宿寒烟。數點洲邊火。遙知估客船。



早起看晴

朝日照湖曲。雲物生清潁。山光甲煎香。水色玻璃瑱。涼風起白蘋。洲渚秋氣冷。長烟貫堤尾。微茫辨樹影。晴空掛蒲帆。中流載笊簞。遙招緯蕭父。携手漁樵境。

曉雨添江練。澄暉晚來散。遙岑列鴈齒。俯映空青亂。港際隱漁譚。烟中鳴水鶴。豈人立沙岸。柳含津。船喚眠鷗迴。堪數游魚靜。可玩去把槎頭竿。行藏久已詳。

樓院道中

清風祠外夕陽麓。過雨青谿碧樹紆。飲水黃牛唇影短。平郊數里戴嵩圖。  
清風亭在楊州牧奉梅月堂金先生遺像先生名時習字悅卿五歲能屬文名聞國



中遭時難人稱有髮僧

午後路上遇雨入金谷仍成長句

疾風捲我衣邊諱前山一帶殘陽鋪万丈峯道峯色倏慘  
淡迴矚不見樓院樹當頭雲葉似潑墨龍師咫尺殷雷驅  
羸驂局促僕夫喧先叫後應催前路是時四山雨氣白亂  
腳橫空散鳥羽曠埜靡狀草勢偃鳴流急向田間注村翁  
御牛兒負芻賣菰棚下來相聚須臾聲歇雨陣過仄暉更  
自遙岑吐蒼涼稻陂繫袂馬寂歷槐原立水戽停漈欲尋  
山中室日莫復愁溪渡村墟遙望斷人烟樹杪時聞飛  
瀑布黃映谷口崩橋絕壑紛回互循除濔濔磻響



小翠藻寒漣沙石選楓西岸幘鮮煩襟醉顏猶滴枝間露  
消搖竟夕破愁疾蒲酒名區愜平素吾家先祖喜林泉太  
息當年住杖屨童時釣遊邈難記手植松杉宛如故岩阿  
何日叢桂秋小子今作招隱賦

題壁有引

甲午季秋余過玉流堂風日清美澗楓酣霜仍  
留一詩于壁上有樹韻凭虛冷溪光到底紅之  
勾同人喜稱道之今來此處重尋故迹數年之  
間筆墨黯澹已不可識矣感題一首因復自戲  
樹韻依狀前度冷溪光不及舊時紅浣壁人還憔悴甚蛛



絲權作碧紗籠

雨餘從西岡口步至白雲溪作驛東距白雲溪不

過一牛鳴縣以溪山名於域中余所居九蒲涵有佳趣

携筇出柴門微雨過平陸危逕轉迴紆崇岡屢重複忘疲  
演間步放襄肆遐矚疊巘連蒼翠高原散禾穀遂從洞舍  
下偶至雲溪曲川涂暖新晴墟里翳嘉木水花方掩映埜  
艸皆膏沐松頂翳白雲岩隙挂殘瀑游魚乘空明飛鷗破  
淨綠崖石已奔峭風氣何清穆延賞八曠達舒吟慰迷獸  
孤抱寄冥鴻塵心哂蕉鹿匪洗巢父耳庶濯孺子足嘯咏  
在邱樊達來混樵牧緬想桃源歎偃蹇青山麓



此山絕不減  
唐王象  
神仙洞川

自白雲溪復至西岡口少卧松舍下作

家近碧溪頭。日夕溪風急。脩林不逢人。水田鷺影立。  
時向返照裡。獸行青山外。鳴蟬晚无數。隔水飛清籟。  
讀書松根上。卷中松子落。又卸欲還去。半嶺雲氣白。

梁文禪絕

居士崦前水。亂飛判書塢。畔樹盈圍籬。頭濕欲山中。雨磴  
道人從采藥。還餘月有塚。童數十口。每歲七  
人家多住。斷橋西埜水。縱橫罨畫迷。縣裏擔柴朝暮去。樵  
風十里若耶溪。

池亭有裏  
亭名玩荷構今廢  
祖



千柄朱荷冒綠池。玩荷亭畔夕陽時。隣翁少住為佳耳。埜  
酌无巡復中。去之碧樹空留黃氏屋。青山長對朴公祠。秋  
來畏作離鄉客。京國如今有所思。溪南有故判書芝川黃  
議政思菴朴公淳遺祠朝家賜  
號玉屏書院二公俱是名臣

### 立秋感作寄仲牧

落日溪山秋氣繁。佳期怕悵又黃昏。蓮絲不斷何時見。石  
闕常銜未敢言。楚些青楓紛極目。秦風白露黯消魂。可憐  
幾曲潺湲水。却背愁人向故園。

### 晚憩西岡口作

被酒村南去。溪山入迥眺。雨餘積翠多。樵迳隱半橋。溪庵



是備東園竹枝  
石田七字是此  
千大

大音右節有一  
唱三歎之道

起暮烟晴川媚蒲照遙見巷牛返時聞水禽叫田園洵可  
樂塵世臂已掉永懷蘓門子振策發孤嘯

早從屋東門小立溪上裏人

清溪繞屋樹蒲步棲宿山居見道心  
田春雨種人漫白雲長在誰堪贈芳杜相思怨不任為問  
匡廬同社客何時欲攬艾荷襟

午後出步溪邊還卧草堂作

夕陽下東嶺人家在蒼雲林壑含清輝溪山秋風集顧景  
感蒲索揮滂望鄉邑泉園夙所遁漁樵近相狎清晨理  
鞵往尋農岩峽名賢昔掛冠逝將高風接東  
農三十里永平縣



高山流水  
亦有精計中

吏曹判書魚大提學金先生昌協古里回以自号者也先生字仲和清金先生曾孫領議政文谷先生壽恒之仲子伯兄昌集号夢窩弟昌翕号三淵昌業号稼象昌緝号圃金昌立号澤象兄弟六人俱以文章切業名世而先生及三淵先生尤傑然先生早歲嘉祿隱居此處屢徵不起至今名節輝映令人仰慕

結廬白雲溪蒼涼万木西茅檐映諸峯柴門俯迴溪涼飈倏已驚嚴霜會復淒思飯牛甯重慕帶經兒貧賤多好裏失路更安棲邀裁梁伯鸞長憶挈山妻

晚往溪上送玉屏故人慶土李和甫字太醇隱永平縣西蒼玉屏躬耕讀書

學問高明每歲州牧薦人輒為八道莛一特拜官不起余數與之往來又與其子堯欽遊

林窮沙路文過人當渡頭孤榜下長川斜日冷亂流遙送山中友歎成溪南遊水波久已定欸音隱蘆洲何處尋行



田園佳趣一  
繪出

跡昭悵數峯秋

秋日田園有感

青黃山木淡秋容。蒲酒田家卧夕舂。  
紅藕池塘時下鷺，碧花籬落亂鳴蛩。  
已能作賦要詹尹，不必移書報會宗。  
可使躬耕皆谷口，芋區半畝足還農。

柴扉新拓數弓荒，真是終南舊草堂。  
蒸杖閒聽田水響，筍輿時過稻花香。  
魚梁夜火還寒雨，蟹窟秋烟拾早霜。  
始信鄉園味好，百年吾欲老耕桑。

村暮

日落秋原上，四山嵐氣碧。  
隔溪有還人，柴門烟火夕。



秋廬即事有襄仲牧余仲經九年十一俱能作詩

嵩陽卜宅善藏名只有幽愁隔弟兄  
無數青山驚曉夢至今紅樹恨秋  
聲蜀風古韻牛羊下落日荒村虎  
豹橫洞裏他年携手去一節烟雨  
訪初平

鄭叔子參寄示新篇仍贈一律賦此答之

子真耕谷口名聞藉京師絳帳三年學黃陵七字詩  
結交相下馬怨別各銜碑司戶誰知己飄零杜拾遺

### 野亭晚行

林泉蕭瑟置孤亭真作坡翁擇勝銘映艇白蘋漁子卧蒲  
襟黃葉酒人停池花沒骨徐郎墨楚水分頭鄴氏經  
鈐莫

工巧天成非  
人力以到



還來烏特倦秋回依舊數峯青

用韻秋日田家即事寄仲牧

仲牧性沈靜善文章少余二歲非特兄

至情而已寔相有師友之誼頃寄余云昔年珍重約攜手探靈芝志蓋非偶狀也

數甕埋紅葉陶家始著書掃苔看墓碣披草過田廬鴛啄

空山響蟬飛晚樹虛昔年珍重約此樂問何如

田行即目裏李憚官

李曾有趁鞭形葉回旋舞跳笠紺曳的歷飛之句

蕎麥花開埜色深山人衣袂晚風侵愛君彤葉紺蟲句秋

樹中間捉鼻吟

### 水洞道中

飄然行橐倦長途馬上披看列色圖紅樹遙分弓裔國蒼



北逢阮亭定  
採入池北偶譚

山橫斷。豹王都。紫雲石。棧邊僧。見傍水。蘆田落鴈孤。薄莫  
將尋菡。寺宿殘碑來。日訪彭吳川。乃舊國今隸原。豹國今春  
武帝使彭吳通滄海。今彭吳碑尚在春川。

### 宿白雲寺

羅僧卓錫地。鍾梵響千秋。不識楓人老。時逢鹿女遊。亂峯  
臨礧戶。黃葉映山庖。客夢清難了。荒溪欲絕流。

### 山行

數棘荒寒堆亂石。斜陽欲盡廢田頭。埜棠結子珊瑚顆。何  
處飛來黃褐侯。

送館師金士潤叅奉之任古樂浪郡平壤府



秋風吹到洞仙關。匹馬行裝好掛鞍。絳帳曾開羣弟子，烏紗新著小郎官。檀君殿古長林近，王儉城高一水寒。最是親朋多落魄，天涯解手若為難。

檀君都平壤立祠其地即東方君長之首

### 春晚

春光都被句中收。綺語何煩湯惠休。狂欲化蜂巡樹隙，心因隨蝶度牆頭。園抽芍藥云誰贈，片長薜蘿自古愁。且喜深林初夏近，仔看輕陰綠如流。

### 寒夜贈李山人德初

明復

谷口生涯數頃畬。高人書屋隱紅蘿。晴窗每試蘭亭帖，暮雨時披笠澤蓑。坐處青山扞蠅話，還來白石飯牛歌。今宵

文人吐屬風馬  
乃爾



偶向寒窗宿峽樹秋聲夢裡多

薑山集諸體皆工而九嬀五古原本陶謝而時託觴於儲孟之間  
詩品為最高矣落日不逢人長譚白石澗此人此品安得朝會遇之

劍南李調元半峯評

薑山五言冲淡閒遠王韋門庭中人視王漁洋格調尤近七律  
參以宋體亦多新穎之思年纔二十餘真天才也

錢塘潘庭筠德園跋尾



韓客巾衍集卷之四終







